

Art. 55 - Istituzionis

1. Is istituzionis funt organìsmus strumentalis de su Comunu chi non tenint personalidadi giuridica ma tenint autonomia gestionali.
2. Funt òrganus de is istituzionis su Consillu de amministrazzioni, su presidenti e su Diretori.
3. Is òrganus de s'istituzioni funt nominaus de su Sìndigu ca ddus podit arrevocai po violatzionis gravis de lei, po ineficièntzia o diformidadi documentada de is indiritzus e de is finalidadis de s'amministrazzioni.
4. Su Consillu Comunali detèrminat is indiritzus e is finalidadis de s'amministrazzioni de is istituzionis, e puru is critèrius generalis po sa determinatzioni de is tarifas po gosai de is benis o servitzius, aprovat is bilàncius annualis e pluriennalis, is programmas e su contu consuntivu de is aziendas specialis e fait sa vigilàntzia apitzus de su traballu insoru.
5. Su Consillu de amministrazzioni providit a sa gestioni de s'istituzioni deliberendu aintru de is finalidadis e de is indiritzus aprovaus de su Consillu Comunali e segundu is modalidadis organizativas e funtzionalis previdias in su regulamentu.
6. Su regulamentu podit puru previdiri formas de partecipazioni de is citadinus o de is utentis a sa gestioni o a su cuntrollu de s'istituzioni.

Art. 56 - Sotziedadi po atzionis a responsabilitadi limitada

1. Su Consillu Comunali podit aprovai sa partecipazioni de s'enti a sotziedadis po atzionis a responsabilitadi limitada po sa gestioni de servitzius pùbblicus, chi serbit agiudendu puru po sa costituzioni insoru.
2. Chi funt servitzius pùbblicus de importu meda sa partecipazioni de su Comunu, impari a cussa de àterus entis pùbblicus ca ci podint èssiri, at a dèpiri èssiri a manera obligatòria maggioritàia.
3. S'àutu costitutivu, su Statutu o su pigai cuotas o atzionis depint èssiri aprovas de su Consillu Comunali e depit èssiri garantèssida a dònna manera sa rappresentatividai de is sogetus pùbblicus in is òrganus de amministrazzioni.
4. Su Comunu scerat is rappresentantis cosa sua intra sogetus de cumpetèntzia tècnica e professionali specifìca e in su sighiri a is àutus gestionalis cunsiderat is interessus de is consumadoris e de is utentis.
5. Is consilleris comunalis non podint èssiri nominaus in is consillus de amministrazzioni de is sociedades po atzionis a responsabilitadi limitada.
6. Su Sìndigu o unu delegau cosa sua partècipat a s'assemblea de is sòcius in rappresentàntzia de s'enti.

7. Su Consillu Comunali providit a verificai dònna annu s'andamentu de sa sociedadadi po atziosis o a responsabilidadadi limitada e a controllai ca s'interessu de sa colletividadadi siat tutelau beni aintru de sa faina fata de sa sociedadadi etotu.